

A túa opinión conta!



Eu tamén voto

Eleccións 2019

Que son as eleccións?
Que tipos de eleccións hai?
Como podo votar?
Que tipo de votos hai?

Lembra!

As eleccións xerais
son o 28 de abril.

As eleccións locais
e europeas son
o 26 de maio.

Para que é este folleto?

Este folleto é para aclarar cousas importantes que temos que saber antes de votar.

Votar é un dereito de todos os cidadáns e cidadás. Hai pouco tempo, o Congreso dos Diputados cambiou a lei electoral.

Agora, todas as persas con discapacidade intelectual poden votar.

O próximo 28 de abril de 2019, todas as persoas maiores de 18 anos de España temos a posibilidade de votar aos nosos representantes para o goberno de España.

O día 26 de maio de 2019, Todas as persoas maiores de 18 anos, poderán votar aos nosos representantes para gobernar en:

- No concello da nosa cidade ou vila.
- No Parlamento europeo.

Que son as eleccións?

As eleccións son a forma de elixir un goberno.

Nós votamos ás persoas que queremos

que nos representen en Europa,

España, Galicia e no noso Concello.

As persoas que se presentan a unhas eleccións,
chámanse candidatos.

Que tipo de eleccións hai este ano?

O día 28 de abril

Eleccións xerais

Votamos para elixir aos políticos
que queremos que nos representen
no noso país.

Votamos con 2 sobres:

- O sobre branco é para elixir os **deputados**.
- O sobre laranxa é para elixir o **senado**.

Os deputados que eliximos
deciden quen será o **presidente de España**.

As eleccións son cada 4 anos.

Este goberno decidirá sobre:

- El xestión do diñeiro.
- Leis.
- Elixen persoas para que sexan xuíces importantes.



Que tipo de eleccións hai este ano?

O día 26 de maio



Eleccións Europeas

Votamos para elixir os 54 deputados para que nos representen en Europa.

As eleccións son cada 5 anos.

Os deputados que eliximos decidirán sobre temas que nos afectan a todas as persoas europeas.

Por exemplo:

- temas de reciclaxe
- axudas a estudantes ou a agricultores.



Eleccións locais:

Votamos para elixir aos concelleiros.

Os concelleiros son os políticos que queremos que nos representen no noso concello.

Os concelleiros elixen ao alcalde.

Os concelleiros deciden sobre:

- A xestión de lixo
- O estado das rúas.
- construcción de parques, bibliotecas



A quen votamos?

Nós votamos os partidos políticos.

Un partido político é un grupo de persoas que teñen as mesmas ideas.

Como decido a quen votar?

Ás eleccións preséntanse moitos partidos políticos.

Cada partido político ofrece unhas propostas electorais.

As propostas electorais son as ideas e accións que os partidos políticos queren facer cando gobernen.

Estas propostas están escritas nos **programas electorais**.

Como me informo?

Podemos informarnos das súas propostas na televisión, mítins, xornais ou na radio.

Recorda que ninguén pode dicirche a quen tes que votar!



A Túa opinión conta

Que teño que saber antes das eleccións?

Que é o censo electoral?

O censo electoral é unha lista de persoas que teñen dereito a votar.

Só poden votar as persoas que están no censo electoral.

As persoas con discapacidade intelectual xa poden votar.



O meu nome xa está no censo electoral?

É importante comprobar que o teu nome aparece no censo electoral.

Podes comprobalo chamando á oficina do censo electoral da túa provincia.

No caso de que o teu nome non apareza na lista, podes reclamar entre os días 11 de marzo e o 18 de marzo.

Provincia de A Coruña

Rúa Adelaida Muro,
número 12
15002 A Coruña
Teléfono: 981 217 426

Provincia de Lugo

Rúa Pintor Corredoira,
número 1
27002 Lugo
Teléfono: 982 284 601

Provincia de Pontevedra

Rúa Igrexas Vilarelle,
número 2
37001 Pontevedra
Teléfono: 986 86 85 00

Provincia de Ourense

Rúa Salvador Dalí,
número 13
32002, Ourense
Teléfono: 988 211 869

Que teño que saber antes de votar?

Que é a tarxeta censal?

É unha carta que se envía a todas as persoas que teñen dereito a votar.


A tarxeta censal ten datos importantes que vas necesitar o día da votación:

- Letra da túa mesa
- Número da túa sección
- O teu distrito
- O teu municipio

Nos colexios electorais atoparás carteis que che din que urna che toca para votar.



Esta carta é unha tarxeta censal



Urna



Cartel dun colexio electoral

Como podo votar?

Para votar tes 2 opcións:

- Ir votar ó teu colexio electoral.
- Votar por correo.

Pasos para votar no teu colexio electoral:

1




Acórdate de levar o DNI

2




Vai ao colexio electoral
no que che toca votar.

3



Busca o teu nome e apelidos
nas listas da entrada.
A lista pon a mesa electoral
na que tes que votar.

4



A tarxeta censal
que recibes na casa
infórmache da mesa
na que che toca votar.


Como podo votar?

5



Entra na cabina de voto.
Recorda que teu voto é
segredo.

6



Colle a papeleta do partido ao
que queres votar.
Mete 1 papeleta no sobre.
A cor da papeleta e do sobre
son iguais.

7




Busca a mesa electoral
que che toca.
Ponte na cola da mesa
na que che toca.

8



Entrégalle o teu DNI
á persoa que está
no centro da mesa.

9



Cando a persoa da mesa
che diga que podes votar,
mete o sobre na urna



Lembra!
Podes preguntar as dúbidas
ás persoas da mesa electoral

Como podo votar?

Pasos para votar por correo

1



Podemos pedir o voto por correo en calquera oficina de correos. Alí enches un papel e ensinas o teu DNI. Ese papel é para dicirle ao teu colexio electoral que queres votar por correo. Podes pedir o teu voto por correo entre o 5 de marzo e o 18 de abril.

2



Recibirás na casa un sobre con todo o que precisas para votar por correo. Esta documentación chega por **correo certificado**.

3




Recibirás 1 sobre coa seguinte documentación:

- 1 sobre oficial marrón para enviar a documentación.
- 1 certificado de inscrición no censo.
- 1 sobre para gardar a papeleta.
- **Papeletas** de todos os partidos políticos para que elixas unha.
- O documento laranxa para elixir os senadores cando hai eleccións xerais.

4

Agora tes que preparar o teu voto:

- Mete no sobre branco a papeleta do partido político que che gusta.
- Mete no sobre laranxa a papeleta laranxa cuberta, só podense marcar 3 candidatos.
- Mete no sobre grande as seguintes cousas:
- O **certificado de inscrición no censo**.
- O sobre coa papeleta dentro.
- Fotocopia do DNI



5



Volve a correos e entrégalle o sobre ao empregado do mostrador. Podes enviar o teu voto por correo antes do 24 de abril.

Listo, xa votaches!

Que é o voto asistido?

Algunhas persoas que non saben ler ou que teñen algunha discapacidade física, non poden coller ou colocar a papeleta na urna. Estas persoas poden elixir a outra persoa para que lles axude.

As persoas cegas que o solicitan tamén reciben un kit de voto accesible para que poidan votar.

Este kit de voto accesible contén todo o necesario para exercer o dereito ao voto.




Como pode ser o meu voto?

Hai 3 tipos de voto:



Voto nulo:

Meter no sobre papeles que non son os adecuados, ou meter algún obxecto. Significa que non che gusta ningún partido político.



Voto en branco:

Meter no sobre a papeleta en branco ou deixar o sobre baleiro. Este voto axuda aos partidos máis votados.



Voto a un partido:

Meter no sobre 1 papeleta do teu partido político preferido.



Tamén podes **non votar**.

Significa que non che importan as eleccións nin os partidos políticos.



Glosario:

Parlamento: Representantes dos cidadáns e cidadás de España.

Está formado polos deputados, deputadas, os senadores e senadoras.

Deputados e deputadas: Son as persoas que elaboran, revisan e aproban as leis.

Tamén son os que elixen ao presidente do goberno.

Senadores e senadoras: Son as persoas que vixían que o goberno faga as cousas ben.

Presidente do goberno: Encárgase de aplicar as leis e dirixir e administrar o goberno.

Lexislatura: É o tempo no que goberna un partido político.
Unha lexislatura adoita durar 4 anos.
Dende que sae elixido nas eleccións ata que hai outras eleccións.

Programa electoral: É un documento que explica as propostas electorais dos partidos.
As propostas son as ideas e accións que queren facer os partidos políticos.

Correo certificado: É un tipo de carta urxente.
O cartero ten que levarche a carta á casa e ti tes que firmar que a recibiches.

Papeleta electoral: É o papel que metes no sobre para votar.
Cada partido político ten a súa propia papeleta.

Certificado de inscrición no censo electoral:
É o papel que di que estás no censo electoral.
É o papel que di que podes votar.



O teu voto é moi importante

Gracias por participar!

Se necesitas máis información
podes conseguila en:

- www.mivotocuenta.es
- www.estavezvoto.eu



40 anos de traballo polas persoas con discapacidade intelectual e as súas familias



**XUNTA
DE GALICIA**



Financiado grazas ás persoas que marcan
o X Solidario na declaración da renda